

鲁越 王晓东 主编

# 中小學生精讀

# 唐詩

陸龜蒙 卷一

中國人民公安大學出版社

## 目 录

|                       |      |
|-----------------------|------|
| 读襄阳耆旧传因作诗五百言寄皮袭美····· | (1)  |
| 袭美先辈以龟蒙所献五百言既蒙见和····· | (3)  |
| 奉酬袭美先辈吴中苦雨一百韵·····    | (8)  |
| 奉酬袭美先辈初夏见寄次韵·····     | (12) |
| 奉和袭美二游诗·····          | (14) |
| 次追和清远道士诗韵·····        | (17) |
| 补沈恭子诗·····            | (18) |
| 读阴符经寄鹿门子·····         | (19) |
| 奉和袭美初夏游楞伽精舍次韵·····    | (20) |
| 奉和袭美公斋四咏次韵·····       | (22) |
| 奉和袭美酬前进士崔潞盛制见寄·····   | (24) |
| 奉和袭美太湖诗二十首·····       | (25) |
| 杂讽九首·····             | (41) |
| 美人·····               | (45) |

|                 |      |
|-----------------|------|
| 感事 .....        | (45) |
| 素絲 .....        | (46) |
| 次幽獨君韻 .....     | (46) |
| 贈遠 .....        | (47) |
| 村夜二篇 .....      | (47) |
| 詩事 .....        | (49) |
| 孤雁 .....        | (51) |
| 南涇漁父 .....      | (52) |
| 引泉詩 .....       | (53) |
| 惜花 .....        | (55) |
| 別離 .....        | (55) |
| 鳴雁行 .....       | (56) |
| 短歌行 .....       | (56) |
| 挾瑟歌 .....       | (57) |
| 婕妤怨 .....       | (57) |
| 江南曲 .....       | (58) |
| 奉和裴美添漁具五篇 ..... | (58) |
| 樵人十詠 .....      | (60) |
| 奉和裴美酒中十詠 .....  | (64) |
| 添酒中六詠 .....     | (67) |
| 奉和裴美茶具十詠 .....  | (70) |
| 置酒行 .....       | (73) |
| 江湖散人歌 .....     | (74) |
| 五歌 .....        | (76) |

---

|              |      |
|--------------|------|
| 丁隐君歌 .....   | (79) |
| 紫溪翁歌 .....   | (81) |
| 赓歌 .....     | (81) |
| 鹤媒歌 .....    | (82) |
| 庆封宅古井行 ..... | (83) |

### 陆龟蒙

陆龟蒙，字鲁望，苏州人，元方七世孙。举进士不第，辟苏、湖二郡从事，退隐松江甫里，多所论撰，自号天随子。以高士召，不赴。李蔚、虞携素重之，及当国，召拜拾遗，诏方下卒。光化中，赠右补阙。

## 读襄阳耆旧传，因作诗 五百言寄皮袭美

汉皋古来雄，山水天下秀。  
高当轸翼分，化作英髦囿。  
暴秦之前人，灰灭不可究。  
自从宋生贤，特立冠耆旧。  
离骚既一作纪日月，九辩即列宿。  
卓哉悲秋辞，合在风雅右。  
庞公乐幽隐，辟聘无所就。  
只爱鹿门泉，泠泠倚岩漱。  
孔明卧龙者，潜伏躬耕耨。  
忽遭玄德云，遂起鳞角斗。  
三胡节皆峻，二习名亦茂。  
其余文武家，相望如斥堠。

緬思齊梁降，寂寞寡清胃。  
凝融為漪瀾，復結作瑩瑋。  
不知粹和氣，有得方大受一作授。  
將生皮夫子，上帝可其奏。  
并包數公才，用以殿厥后。  
嘗聞兒童歲，嬉戲陳俎豆。  
積漸開詞源，一派分萬溜。  
先崇丘旦室，大懼隳結構。  
次補荀孟垣，所貴亡罅漏。  
仰瞻三皇道，虬虱在宇宙。  
却視五霸圖，股掌弄孩幼。  
或能醢醢髀，或與翼雛穀，  
或喜掉直舌，或樂斬邪脰。  
或擣鉏繁蕔，或整理錯謬。  
或如百千騎，合沓原野狩。  
又如曉江平，風死波不皺。  
幽埋力須掘，遺落賞必購。  
乃于文學中，十倍猗頓富。  
囊乏向咸鎬，馬重遲步驟。  
专场射策時，縛虎當羿穀。  
歸來把通籍，且作高堂壽。  
未足逞戈矛，誰云被文綉？  
從知偶東下，帆影拂吳岫。  
物象悉摧藏，精灵畏雕鏤。

伊余抱沈疾，憔悴守圭窦。  
方推洪范畴，更念大玄首<sup>去声</sup>。  
陈诗采风俗，学古穷篆籀。  
朝朝贯薪米，往往逢责诟。  
既被邻里轻，亦为妻子陋。  
持冠适瓯越，敢怨不得售。  
窘若晒沙鱼，悲如哭霜狖。  
唯君枉车辙，以逐海上臭。  
披襟两相对，半夜忽白昼。  
执热濯清风，忘忧饮醇酎。  
驱为文翰侣，弩皂参冀厩。  
有时谐宫商，自喜真邂逅。  
道孤情易苦，语直诗还瘦。  
藻匠如见酬，终身致怀袖。

**袭美先辈以龟蒙所献五百言  
既蒙见和，复示荣唱，至于  
千字提奖之重，蔑有称实，  
再抒鄙怀，用伸酬谢**

洪范分九畴，转成天下规。  
河图孕八卦，焕作玄中奇。

先开否臧源，次筑经纬基。  
粤若鲁圣出，正当周德衰。  
越疆必载质，历国将扶危。  
诸侯瓷崛强，王室方陵迟。  
歌凤时不偶，获麟心益悲。  
始嗟吾道穷，竟使空言垂。  
首赞五十易，又删三百诗。  
遂令篇籍光，可并日月姿。  
向非笔削功，未必无瑕疵。  
迨至夫子没一作遇，微言散如枝一作披。  
所宗既不同，所得亦异宜。  
名法在深刻，虚玄至希夷。  
自从战伐来，一派纵横驰。  
寒俗生艳木，沸潭结流澌。  
惊奔失壮士，好恶随纤儿。  
嬴氏并六合，势尊丞相斯。  
加于挟书律，尽取坑焚之。  
南勒会稽颂，北恢胡亥阨。  
犹怀遍巡狩，不暇亲维持。  
及汉文景后，鸿生方瓠掇出《三都赋》。  
簸扬尧舜风，反作三代吹。  
飘飖四百载，左右为藩篱。  
邺下曹父子，猎贤甚熊羆。  
发论若霞驳魏文帝典论有论文篇，

裁诗如锦摘。

徐王应刘辈，头角咸相衰。

或有妙绝赏，或为独步推。

或许润色美，或嫌诋诃痴。

倏以中利病，且非混醇醪。

雅当乎魏文，丽矣载陈思。

不肯少选妄，恐贻后世嗤。

吾祖仗才力<sup>士衡</sup>文赋，革车蒙虎皮。

手持一白旄，直向文场麾。

轻去<sup>声</sup>若脱钳<sup>钦</sup>，豁如抽屣<sup>屣</sup>。

精钢不足利，骀<sup>褰</sup>何劳追。

大可罩山岳，微堪析毫厘。

十体免负赘，百家咸起痿。

争入鬼神奥，不容天地私。

一篇迈华藻，万古无孑遗。

刻鹄尚未已，雕龙奋而为

刘勰有《文心雕龙》。

刘生吐英辩，上下穷高卑。

下臻宋与齐，上指轩从羲。

岂但标八索，殆将包两仪。

人谣洞野老，骚怨明湘累。

立本以致诘，驱宏来抵讪。

清如朔雪严，缓若春烟羸。

或欲开户牖，或将饰纓綈。

虽非倚天剑，亦是囊中锥。  
皆由内史意，致得东莞词。  
梁元尽索虏，后主终亡隋。  
哀音但浮脆，岂望分雄雌。  
吾唐揖让初，陛列森咎夔。  
作颂媲吉甫，直言过祖伊。  
明皇践中日，墨客肩参差。  
岳净秀擢削，海寒光陆离。  
皆能取穴凤，尽拟乘云螭。  
迺来二十祀，俊造相追随。  
余生落其下，亦值文明时。  
少小不好弄，逡巡奉弓箕。  
虽然苦贫贱，未省亲嚙齍。  
秋倚抱风桂，晓烹承露葵。  
穷年只败袍，积日无晨炊。  
远访卖药客，闲寻捕鱼师。  
归来蠹编上，得以含情窥。  
抗韵吟比雅，覃思念梔离。  
因知昭明前，剖石呈清琪。  
又嗟昭明后，败叶埋芳蕤。  
纵有月旦评，未能天下知。  
徒为强貔豹，不免参狐狸。  
谁蹇行地足，谁抽刺天髻？  
谁作河畔草，谁为洞中芝？

谁若灵囿鹿，谁犹清庙牺？  
谁轻如鸿毛，谁密如凝脂？  
谁比蜀严静，谁方巴賸贲？  
谁能钓扑鰌，谁能灼神龟？  
谁背如水火，谁同若埧簏？  
谁可作梁栋，谁敢驱谷蠡<sub>音鹿黎</sub>？  
用此常不快，无人动交铍。  
空消病里骨，枉白愁中髭。  
鹿门先生才，大小无不怡。  
就彼六籍内，说诗直解颐。  
顾我迷未远，开怀溃其疑。  
初开<sub>一作看</sub>凿本源，渐乃疏旁支。  
邃古派泛滥，皇朝光赫曦。  
揣摩是非际，一一如襟期。  
李杜气不易，孟陈节难移。  
信知君子言，可并神明蓍。  
枯腐尚求律，膏盲犹谒医。  
况将太牢味，见啖逋悬饥。  
今来置家地，正枕吴江湄。  
饵薄钩不曲，羶然守空坻。  
嘿坐无影响，唯君欵茅茨。  
抽书乱签帙，酌茗烦瓯栖。  
或伴补缺砌，或偕诣荒祠。  
孤筇倚烟蔓，细木横风漪。

觸雨妨扉屨，臨流泥江蓑。  
既狎野人調，甘為豪士訾一作嗤。  
不敢負建鼓，唯忧掉降旗。  
希君念余勇，挽袖登文陴。

## 奉酬裘美先輩吳 中苦雨一百韻

微生參最靈，天與意緒拙。  
人皆機巧求，百徑无一达。  
家為唐臣來，奕世唯稷卨。  
只垂青白風，凜凜自貽厥。  
龜蒙五代祖、六代祖，皇朝繼在台輔。  
猶殘賜書在，編簡苦斷絕。  
其間忠孝字，萬古光不灭。  
孱孫誠瞽昧，有志常捐捐。  
敢云嗣良弓，但欲終守節。  
喧嘩不入耳，諂佞不挂舌。  
仰咏堯舜言，俯遵周孔轍。  
所貪既仁義，豈暇理生活。

纵有旧田园，抛来亦荒没。  
因之成否塞，十载真契阔。  
冻骭一襜褕，饥肠少糠粃。  
甘心付天壤，委分任回斡。  
笠泽卧孤云，桐江钓明月，  
盈筐盛苾苳，满釜煮鲈鳢。  
酒帜风外飏，茶枪露中擷。

茶芽未展者曰枪，已展者曰旗。

歌谣非大雅，摺摭为小说。  
上可补熏莖，傍堪跼一作蹈芽蘖。

龟蒙尝著《稗说》三卷。

方当卖罽罽，尽以易纸札。  
踪迹尚吴门，梦魂先魏阙。  
寻闻天子诏，赫怒诛叛卒。  
宵旰悯烝黎，谟一作谋明问征伐。  
王师虽继下，贼垒未即拔。  
此时淮海波，半是生人血。  
霜戈驱少壮，败屋弃羸耄。  
践蹋比尘埃，焚烧同稿秸。  
吾皇自神圣，执事皆间杰。  
射策亦何为，春卿遂聊辍。  
伊余将贡技，未有耻可刷。  
却问渔樵津，重耕烟雨垓。  
诸侯急兵食，冗剩方剪截。

不可抱一作把詞章，巡門事干謁。  
歸來闔蓬楗，壁立空豎褐。  
暖手抱孤烟，披書向殘雪。  
幽忧和憤懣，忽愁一作忽自驚蹶。  
文兮乏寸毫，武也無尺鐵。  
平生所韜蓄，到死不開豁。  
念此令人悲，翕然生內熱。  
加之被鞴瘡，況復久藜粦。  
既為霜露侵，一卧增百疾。  
筋骸將束縛，腠理如筆撻。  
初謂抵狂貆，又如當毒蝎。  
江南多事鬼，巫覡連瓠粵。  
可口是妖訛，恣情專賞罰。  
良醫只備位，藥肆或虛設。  
而我正萎瘵，安能致訶咄！  
椒蘭任芳蕊，精一作糲糲從羅列。  
醢醢既屢傾，錢刀亦隨燕。  
兼之湊財賄，不止行盜一作諂竊。  
天地如有知，微妖豈逃殺。  
其時心力憤，益使氣息輟。  
永夜更呻吟，空床但皮骨。  
君來贊賢牧，野鶴聊簪笏。  
謂我同光塵，心中有溟渤。  
輪蹄相壓至，問遺無虛月。

首一作直到春鸿蒙，犹残病根茆。  
看花虽眼晕，见酒忘肺渴。  
隐几还自怡，蓬卢亦争喝。  
抽毫更唱和，剑戟相靡戛。  
何大不包罗，何微不挑刮。  
今来值霖雨，昼夜无暂歇。  
杂若碎渊沦，高如破鏐辄。  
何劳鼉虬岸，诟要鸛鸣垤。  
只意江海翻，更愁山岳裂。  
初惊蚩尤阵，虎豹争搏啮。  
又疑伍胥涛，蛟蜃相蹙拶。  
千家蒙瀑练，忽似好披拂。  
万瓦垂玉绳，如堪取紫结。  
况余居低下，本是蛙蚓窟。  
迺来增号呼，得以恣唐突。  
先夸屋舍好，又恃头角凸。  
厚地虽直方，身能遍穿穴。  
常参庄辩里，亦造扬玄末。  
偃仰纵无机，形容且相忽。  
低头增叹诧，到口复嗝咽。  
沮洳渍琴书，莓苔染巾袜。  
解衣换仓粟，秕稗犹未脱。  
饥鸟屡窥临，泥僮苦舂𪔑<sub>音伐</sub>。  
或闻秋稼穡，大半沈澎𪔑。

耕父蠹齊民，農夫思旱魃。  
吾觀天之意，未必洪水割。  
且要虐飛龍，又圖滋跛鳖。  
三吳明太守，左右皆儒哲。  
有力即扶危，懷仁過救喝。  
鹿門皮夫子，氣調真俊逸。  
截海上雲鷹，橫空一作天下霜一鵲。  
文壇如命將，可以持玉鉞。  
不獨辰羲軒，便當城老佛。  
顧余為山者，所得才簣撮。  
譬如飾箭材，尚欠鏃與筈。  
閑將歛兒唱，強倚帝子瑟。  
幸得遠瀟湘，不然嗤賈屈。  
開城窺寶肆，玕貝光比栳。  
朗咏冲樂懸，陶匏响鏗搗。  
古來愁霖賦，不是不清越。  
非君頓挫才，沴氣難摧折。  
馳情扣虛寂，力盡无所掇。  
不足謝徽音，只令凋鬢髮。

### 奉酬裘美先輩初夏見寄次韻

積雨晦皋輔，門前烟水平。

蘋蘩增遥吹，枕席分余清。  
村帘沓酒美，賒来满铎程一作铎。  
未必减宣子，何羨谢公荣。  
借宅去人远，败墙连古城。  
愁鸱占枯枿，野鼠趋前楹。  
昨日去云破损，晚林先觉晴。  
幽篁倚微照，碧粉含疏茎。  
蠹简有遗字，牋一作牋琴无泛声。  
蚕寒茧尚薄，燕喜雏新成。  
览物正摇思，得君初夏行。  
诚明复散诞，化匠一作工安能争！  
海浪刷三岛，天风吹六英。  
洪崖领玉节，坐使虚音生。  
吾祖傲洛客，因言几为伦。  
末裔实渔者，敢怀干墨卿。  
唯思钓璜老，遂得持竿情。  
何须乞鹅炙，岂在斟羊羹。  
畦蔬与瓮醪，便可相携迎。  
蟠木几甚曲，笋皮冠且轻。  
闲心放羁勒，醉脚从欹倾。  
一径有余远，一窗有余明。  
秦皇苦不达，天下何足并？